

Аса қамқор, ерекше мейірімді Алланың атымен

Клиент
(уәкілетті агент - Муваккиль)

ЖӘНЕ

«Al Hilal» Ислам Банкі» АҚ
(Вакиль)

Арасында жасалған

ВАКАЛА БАСТЫ КЕЛІСІМІ

Күні _____

«Al Hilal» Ислам Банкі» АҚ

Мазмұны

Тармақ	Тармақтың атауы
1)	Терминдердің түсіндірмесі
2)	Кейінге қалдырылатын шарттар
3)	Вакала шарттары мен Ережелері
4)	Инвестициялық мәмілені жасау және орындау
5)	Мәлімдемелер мен кепілдіктер
6)	Заңнама және Хүкімет
7)	Жалпы ережелер
8)	Әрекетті тоқтату

Қосымшалар

Бірінші қосымша	Вакиль Ұсынысы мен Муваккиль Келісімінің үлгісі
Екінші қосымша	Тараптардың деректемелері
Үшінші қосымша	Муваккиль бастамасымен мерзімінен бұрын бұзу үлгісі
Төртінші қосымша	Кейінге қалдырылатын шарттар

- (1) [] мекенжайы бойынша тіркелген **Клиент**, бұдан әрі «**Муваккиль**» деп аталып, және
- (2) Қазақстан Республикасы, 050059, Алматы қ., Медеу ауданы, Аль-Фараби даңғылы, 36 мекенжайы бойынша тіркелген «**Al Hilal**» **Ислам Банкі**» **Акционерлік қоғамы**, бұдан әрі «**Вакиль**» деп аталып,
- (бұлар бұдан әрі бірге «**Тараптар**» деп аталып)

_____ осы **КЕЛІСІМДІ** жасады,

Мына төмендегіні ескере отырып:

- (a) Заңды негізде, сенімгер ретінде әрекет ететін Муваккиль Вакала Қоры арқылы және Вакала Қоры шеңберінде өзіне тиесілі қаражатты Исламдық нормалар мен қағидаларға сәйкес жасауға болатын операцияларға инвестициялау үшін Вакильді өзінің агенті ретінде сайлауды қалайды.
- (b) Барлық инвестициялық мәмілелер осы Келісімнің шарттарына және Вакильдің Исламдық Қаржылық Қызметтері (бұдан әрі «**Кеңес**» деп аталатын) жөніндегі Кеңесі қарастырған Ислам нормалары мен қағидаларына («**Шариғат**») сай осы Келісімнің талаптары бойынша іске асырылады.
- (c) Қазақстан Республикасының Вакильге қатысты қолданылатын банктік заңнамасына сәйкес, Вакильдің осы Келісім бойынша қызметі «*Ислам банкінің банктік операцияларды орындауы барысында агенттік қызметті жүзеге асыру*» болып табылу керек.

ТАРАПТАР төмендегілер жайында ӨЗАРА КЕЛІСТІ:

1. Терминдер және олардың түсіндірмесі

Осы Келісімде және оның Қосымшаларында қолданылатын келесі терминдер мен сөз тіркестері төмендегідей мағына береді:

Агенттік алым: Вакильдің Ұсынысында қарастырылған Инвестициялық мәмілелерді атқарғаны үшін Вакильге тиесілі сома;

Муваккильдің Болжалды Табысы: Вакильдің Ұсынысына сәйкес, Муваккильге арналған Вакала мәмілесіне байланысты Вакильдің инвестиция сомасының үстінен қалыптастыратын Болжалды Табысы;

Жұмыс күні: Вакиль мен Муваккиль жалпы операцияларды атқару үшін ашық болатын жұмыс күні;

Кейінге қалдырылатын шарттар: осы Келісімнің Төртінші Қосымшасында аталған кез—келген кейінге қалдырылатын шарт;

Жарамдылық мерзімі: осы Келісімге қол қойылған сәттен бастап бір жыл мерзіміне жасалады;

Инвестициялар сомасы: Инвестициялық мәмілелер жасау үшін инвестицияланған сома;

Инвестициялар күні: Вакиль Ұсынысында қарастырылған Инвестициялар сомасын төлеу күні;

Инвестициялық мәміле: осы Келісімнің 4 тармағына сәйкес Муваккиль мен Вакиль арасында жасалатын мәміле;

Өтеу күні: Вакиль Муваккильге Вакиль Ұсынысына сәйкес Түсімді аударатын күн;

Өтеу күніне қарай түскен Түсім: өтеу күніне немесе шартты бұзу күніне Муваккильге тиесілі сома Вакиль сыйақысын (егер бар болса) шегергенде Вакала пайдасына (егер бар болса) қосқан инвестициялар сомасына тең;

Муваккильдің келісімі: Муваккиль Вакильдің атына Бірінші Қосымшада бекітілген немесе Муваккиль мен Вакиль алдын ала өзара келіскен басқа үлгіде жіберетін мәлімдеме;

Бұзу күні: Инвестициялық мәмілені осы Келісімнің 8.2. тармағына сәйкес Муваккильдің бастамасымен Өтеу күніне дейін бұзатын күн;

Вакала активтері: осы Келісім шеңберінде Вакиль Муваккильдің мүддесі үшін және соның атынан Вакала Қоры арқылы сатып алған Инвестициялық мәміленің активтері;

Вакала шығындары: Инвестициялық мәмілеге байланысты Вакильдің Муваккильдің мүддесі үшін және оның атынан көтерген нақты шығындары мен жұмсаған қаражаты;

Вакала алымы: Муваккиль атынан Инвестициялық мәміле жасау үшін Вакиль Ұсынысында қарастырылған Вакильге тиесілі сома;

Вакиль Сыйлықақысы: осы Келісімнің 4.7. тармағына және Вакиль Ұсынысының 6 тармағына сәйкес есептелетін Муваккильдің Вакильге беретін сомасы;

Вакиль Ұсынысы: Вакиль Муваккильдің атына Бірінші Қосымшада бекітілген немесе Муваккиль мен Вакиль алдын ала өзара келіскен басқа үлгіде жіберетін мәлімдеме;

Вакала Қоры: Вакильдің Инвестициялық мәмілелерді жасайтын Вакиль қазыналық қаражатының қоры; және,

Вакала пайдасы: Вакала шығындарын шегергенде Инвестициялық мәміледен Муваккильдің пайдасына төленуге жататын табыс.

- 1.1 Осы Келісімнің Қосымшалары оның ажырамас бөлігі болып табылады.
- 1.2 Баптар мен Қосымшаларға жасалған сілтемелер осы Келісімнің баптары мен Қосымшаларына жасалған сілтемелер болып табылады.
- 1.3 Осы келісімнің тақырыпшалары ыңғайлылық үшін енгізілген және осы келісімнің құрылымына әсер етпейді.

2. Кейінге қалдырылатын шарттар

- 2.1 Тараптар осы Келісім Тараптардың төмендегілер жайында жазбаша бекітуінен кейін ғана күшіне енетіндігімен келіседі:
 1. екінші Тараптан барлық Кейінге қалдырылатын шарттарды орындау үшін қажетті құжаттардың алынғандығы туралы, немесе
 2. кейінге қалдырылатын шарттарды орындау үшін кеш күн қарастырылуы мүмкін болған тәртіпте екінші Тараппен осындай құжаттарды өткізу бойынша талаптардың мерзімін ұзартқаны туралы.

3. Вакала ережелері мен шарттары

- 3.1 Муваккильдің қаражатын Вакала Қоры арқылы және Вакала Қоры шеңберінде инвестициялау үшін Муваккиль Вакильді өзінің агенті ретінде сайлайды және Вакильге төмендегідей уәкілеттіктер береді:
 - (a) Муваккиль атынан және оның қаражаты есебінен Ислам қағидалары мен нормаларына сәйкес операциялар жасауға, және
 - (b) осындай операцияларға қатысты сату–сатып алу шарттарын немесе басқа келісімдер/шарттар жасау арқылы толық көлемде Муваккиль секілді әрекет етуге;
 - (c) Муваккильдің атынан осы Келісім бойынша өз міндеттерін орындау үшін қажетті осы Келісімге байланысты басқа уәкілеттіктерді қолдануға.

- 3.2 Егер осы Келісімде басқасы қарастырылмаған болса, Қазақстан Республикасының Азаматтық Кодексінің «комиссия шартына» қатысты қолданылатын нормалары мен ережелері осы Келісімге де қолданылады. Вакиль Муваккильдің агенті ретінде әр мәміленің шарттарына сәйкес әрекет етуге міндетті.
- 3.3 Вакиль Муваккильдің агенті болуға келіседі және осы Келісім бойынша өзінің міндеттерін орындау барысында Муваккильдің мүддесін қорғауға, адал қызмет етуге және міндетін түсініп, Муваккильдің барлық Инвестициялық мәмілелерін өзінің соған ұқсас мәмілелерін басқарғандай басқаруға міндеттенеді. Вакиль міндеттерін адал атқармаған жағдайда немесе Муваккильдің мүдделеріне қатысты қылмыстық әрекет танытқан жағдайда, Вакиль Муваккильдің алдында жауапты болады, және Вакильдің осы Келісімнің шарттарын орындамауы салдарынан Муваккильдің барлық нақты шыққан шығындары мен зияндарын өтеуге міндетті болады.
- 3.4 Муваккиль принципал бола отырып, Муваккильдің агенті ретіндегі Вакильдің әрекеттерімен байланысты жасаған барлық тәуекелдіктеріне жауап береді. Егер Вакиль өз міндеттерін адал атқармаса немесе осы Келісімнің ережелері мен шарттарын бұзған болса, Вакильдің кінәсынан болған барлық тәуекел шығындарын өтеуге Вакильдің өзі жауап береді.
- 3.5 Вакиль әр Инвестициялық мәмілеге қатысты Вакиль Ұсынысында қарастырылған Вакала алымын алуға құқылы болып табылады. Вакиль Инвестициялық мәміленің нәтижесіне қарамастан, Вакала алымын алуға құқылы болады.
- 3.6 Егер Вакиль Инвестициялық мәмілеге байланысты Вакала активтерін алу ниетін білдіретін болса, Вакиль мұндай Активтерді нарық бағасымен, болмаса Тараптар «Ұсыныс пен Келісімді» берген жағдайда, Тараптар сату уақытында өзара келіскен бағамен сатып ала алады.

4. Инвестициялық мәмілені жасау және орындау

- 4.1 Инвестициялық мәмілені жасамастан бұрын, Вакиль Муваккильмен Муваккильдің Инвестициялық мәміленің нәтижесінде алуға үміттенетін Муваккильдің Болжалды Табысы туралы келіседі. Инвестициялық мәміленің бастапқы деңгейінде Муваккильдің Болжалды Табысын алу мүмкін болмаған жағдайда, Вакиль Муваккильмен инвестициялар бойынша мөлшерлемені төмендету туралы келісуге міндетті, олай болмаған жағдайда осы Келісім бойынша Инвестициялық мәміле бұзылады. Инвестициялық мәміле бұзылған жағдайда, Вакиль инвестициялар сомасын Муваккильдің пайдасына мүмкіндігінше қысқа мерзім ішінде төлеуге міндетті.
- 4.2 Жұмыс күнінің ішінде кез-келген Тарап екінші Тарапқа телефон немесе мәліметті жіберу басқа ақпарат құралдары арқылы өзінің Инвестициялық

Мәмілені жасау ниеті туралы мәлімет жасай алады. Осыдан кейін Вакиль Муваккиль Вакильдің Ұсынысында баяндалған ақпараттарын жібереді.

- 4.3 Муваккиль ұсынылып отырған Инвестициялық мәміленің шарттарын қабылдаған жағдайда, ол Муваккильдің Келісімін Вакиль атына жібереді.
- 4.4 Муваккиль Инвестиция күнінен кешіктірмей Вакиль Ұсынысында қарастырылған шотқа Инвестициялар сомасын аударуға міндетті.
- 4.5 Жоғарыда көрсетілген 4.4. тармағын ұстанған жағдайда, Инвестициялар сомасы Вакильдің шотына түсіп, Вакиль оны Муваккильдің атынан инвестициялаған соң, Вакиль Өтеу күні келгенде Өтеу күніне қарай түскен Түсімді ешқандай шегерім жасамастан, қайшы міндеттемелерді есептеместен немесе қандай да бір ақшаны ұстамастан (табыс салығы қарастырылған жағдайда ол төлеуші тарапынан ұсталатын болады) инвестициялардың нәтижелері негізінде Муваккильдің пайдасына оның мәлімдемесінде көрсетілген шотқа аударады.
- 4.6 Тараптар олардың ішкі ережелері мен процедураларына сәйкес, Тараптардың кез-келген болжалды Инвестициялық мәмілеге қатысты барлық телефон арқылы сөйлесулері жазылатыны туралы бір-біріне мәлімдеме жасайды. Осыған сәйкес әр Тарап:
- (a) саудамен және маркетинг ісімен айналысатын қызметкерлердің және/немесе Тараптардың басқа да қызметкерлерінің және олардың лауазымды тұлғаларының, жұмыскерлерінің, агенттерінің және еншілес компанияларының осы Келісімге немесе кез-келген потенциалды Инвестициялық мәмілеге қатысты телефон арқылы әңгімелесулерін жазып алуға келісімін береді;
 - (b) сәйкесінше (жоғарыда көрсетілгендей) қызметкерлердің қажетті келісімдерін алып, осындай жазулар туралы мәлімдеме жасауға келіседі; және
3. осындай жазу осы Келісімге немесе қандай да бір Инвестициялық мәмілеге қатысты сот дауында дәлел ретінде берілуі мүмкіндігімен келіседі.
- 4.7 Егер Өтеу күніне қарай немесе ұзу күніне қарай Вакала алымының сомасын шегергеннен кейін Вакала пайдасы әр Инвестициялық мәміле үшін Муваккильдің Болжалды Табысының сомасынан асатын болса, Муваккиль асып кеткен соманы Вакильдің пайдасына әр Инвестициялық мәміле (қабылданған немесе өзге) бойынша Сыйлықақы ретінде өтемсіз өткізуге келісімін береді («**Вакиль Сыйлықақысы**»).
- 4.8 Түсініспеушілікке жол бермеу үшін, Вакиль Ұсынысында көрсетілген мөлшерде Муваккильге Болжалды Табысын төлеуге ешқандай формада кепіл бермейді, және Муваккильдің нақты Болжалды Табысы Вакильдің

Ұсынысында көрсетілген сомадан өзгеше болуы мүмкін. Муваккиль өтеу күніне түскен кірісті ғана талап етуге құқылы.

5. Растаулар мен кепілдіктер

5.1 Тараптардың әрқайсысы осы Келісімнің жарамдылық мерзімінің кез-келген уақытында төмендегілерді растайды және кепілдік береді:

(a) ол осы Келісімді және осы Келісімде қарастырылған кез-келген Инвестициялық мәмілені жасауға құқылы болып табылады;

(b) осы Келісімді орындау тиісті Тараппен тиісті түрде рұқсат етілді;

(c) Осы келісім жасалған сәттен бастап, осы Келісімде қарастырылған Келісім мен әр Инвестициялық мәміле жөніндегі міндеттемелер орындалуы тиіс болып табылады, сонымен қатар қатысушы жоқ болып саналатын Тарап қандай да бір келісімнің шарттарын бұзбайды; және

(d) осы Келісімді заңды және тиісті түрде орындау үшін Тарап барлық қажетті рұқсаттарды, келісімдерді, лицензияларды алды және кез келген уақытта алып отырады.

6. Заң және Хүкімет

6.1 Осы Келісіммен қарастырылмаған барлық мәселелер Кеңестің баяндаған және бекіткен Шариғат қағидалары мен заңдарына қайшы келмейтін деңгейде Қазақстан Республикасының қолданыстағы заңнамаларымен реттелуі керек. Қарама-қайшылықтар туындаған жағдайда Кеңестің көрсеткен және бекіткен қағидаларына басым күш беріледі.

6.2 Осы Келісім бойынша Тараптар осы Келісімнен туындайтын процессуалдық әрекеттерді орындау мақсаттары үшін Қазақстан соттарының хүкіміне бағынады.

6.3 Муваккиль кез-келген хүкіметте өзіне және өзінің активтеріне қатысты азаматтық сот жауапкершілігінен, мүлікті өндіруден, тыйым салудан (сот шешім қабылдағанға дейін немесе басқа әрекетке дейін соттың шешімін орындау шаралары ретінде), болмаса басқа заңды үрдістен иммунитетке үміттені алатын жағдайда және кез-келген хүкіметте өзіне және өзінің активіне қатысты иммунитет берілуі мүмкін болған жағдайда (қуынымның берілуіне тәуелсіз), Муваккиль осы құжат жүзінде қуыным жасамауға және осындай иммунитетті өзінің осы Келісім бойынша немесе осы Келісім бойынша міндеттеріне қатысты талап етпеуге сөзсіз келісімін береді.

6.4 Тараптар осы Келісімнің салдарынан немесе соған байланысты туындауы мүмкін қандай да бір қуыным, сот әрекеті немесе үрдісі бойынша Қазақстан

Республикасында сот ісінің басталғандығы туралы құжат тиісті Тарапқа (көрсетілгендей мекенжай бар болса) Осы Келісімнің Екінші Қосымшасында көрсетілген мекенжай бойынша берілетіндігін растайды. Кез-келген жағдайда Тараптарға процессуалдық құжаттарды беру заңға сәйкес басқа да жолдармен іске асырылады.

7. Жалпы ережелер

7.1 Келісімнің толықтығы.

Осы келісім Тараптардың толығымен өзара келістігін білдіреді. Тараптардың әрқайсысы өзінің осы Келісімді жасауға мәжбүр еткен осы құжатқа енгізілмеген қандай да бір мәлімдемеге сенім артпайтындығын растайды.

7.2 Келісімнің бөлінушілігі

Осы Келісімнің негізгі мақсатына жету мүмкіндігі жоғалып, бір Тарап екінші Тарапқа жазбаша мәлімдеме жіберу арқылы осы Келісімді бұзуға құқылы болған жағдайды есептемегенде, осы Келісімнің қандай да бір ережесінің заңсыздығы немесе оны мәжбүрлеп орындату мүмкін еместігі анықталатын болса, бұл жағдай осы Келісімнің қалған ережелерінің әрекеті мен оларды орындау шарттарына әсер етпейді.

7.3 Құқықтан бас тарту

Тараптардың қайсыбірінің өзінің құқықтарын қамтамасыз етуде әрекет етпеушілігі немесе кідіруі осы Тараптың құқығын бұзбайды немесе шектемейді, және Тараптың осындай құқықтан немесе осы Келісімнің қандай да бір шарттарының бұзылуына қатысты шағымданудан бас тартуы болашақта осы Келісім бойынша бұзушылықтарға қатысты шағымданулардан немесе құқықтарынан бас тартуын білдірмейді.

7.4 Толықтырулар мен өзгертулер енгізу тәртібі

Осы Келісімге енгізілетін толықтырулар мен өзгертулер жазбаша түрде Тараптардың алдын ала жазбаша келісулері арқылы жасалады.

7.5 Мәлімдеме жасау тәртібі

- (a) Осы келісім бойынша немесе оған байланысты берілетін, тапсырылатын және жіберілетін кез-келген мәлімдемелер немесе басқа құжаттар осы Келісімнің Екінші Қосымшасында көрсетілген үлгіде жасалады, және Тарап құжаттарды алған кезде тапсырылды деп саналады;
- (b) Хат алушы үшін Жұмыс емес күні болып табылатын күнде алынған кез-келген мәлімдемелер немесе құжаттар келесі Жұмыс күні алынды деп

саналады.

7.6 Өтемақы

Әр Тарап факс арқылы келген екінші Тараптың немесе оның лауазымды тұлғасының немесе уәкілетті өкілінің қолы қойылған бұйрықтар негізінде жасалған әрекеттердің нәтижесінде бірінші Тараптан шыққан барлық нақты шығындарды, шағымдар мен шығыстарды өтеуге міндеттенеді.

7.7 Тілдер

Осы Келісім ағылшын және орыс тілдерінде жасалған. Ағылшын және орыс тілдеріндегі мәтіндер арасында қарама-қайшылық немесе келіспеушіліктер байқалған жағдайда, орыс тіліндегі мәтіннің күші басым болады. Осы Келісім, сонымен қатар, қазақ тілінде де дайындалатын болады, бірақ қазақ тіліндегі нұсқасы тек ақпарат үшін ғана пайдаланылады.

7.8 Құқықтарын беру

7.8.1 Вакиль кез-келген уақытта осы Келісім бойынша барлық құқықтарын және/немесе міндеттерін немесе олардың бір бөлігін үшінші жақ тұлғаларына өткізуге немесе беруге құқылы болып табылады.

7.8.2 Муваккиль Вакильдің алдын ала жазбаша келісімінсіз осы Келісімде қарастырылған құқықтарын немесе міндеттерін үшінші жақ тұлғаларына өткізуге немесе беруге құқылы болмайды.

7.9 Өзара есептесу

7.9.1 Вакиль осы Келісім бойынша өзінің міндеттерін Муваккильдің осы Келісім бойынша немесе Вакиль мен Муваккильдің арасындағы басқа келісім бойынша Вакильдің алдындағы міндеттері есебінен жабуға құқылы болады.

7.9.2 Муваккиль Вакильдің алдын ала жазбаша келісін алмастан, өзінің осы Келісім бойынша міндеттерін Вакильдің осы Келісім бойынша немесе Вакиль мен Муваккильдің арасындағы басқа келісім бойынша Муваккильдің алдындағы міндеттері есебінен жабуға құқылы болмайды.

7.10 Банктік құпияны ашуға келісім

7.10.1 Осы құжат жүзінде Муваккиль Қазақстан Республикасының банктік заңнамасында қарастырылған жағдайларда Вакильге, оның ресми тұлғаларына, жұмыскерлеріне, акционерлері мен агенттеріне банктік операциялар туралы кез-келген және барлық ақпаратты ашуларына келісін береді:

- (a) Вакильдің аудиторларына, заңгерлері мен басқа да кәсіпқой кеңесшілеріне;
- (b) Вакильдің осы Келісім бойынша міндеттері мен құқықтарын үшінші жақ тұлғасына өткізуіне немесе беруіне байланысты (соның ішінде болжалды) кез-келген үшінші жақ тұлғасына;
- (c) Муваккильдің кез-келген банктік шоттарынан Вакильдің немесе Вакильдің пайдасына ақша алуына (соның ішінде блжалды) байланысты кез-келген банкке немесе банктік емес ұйымға;
- (d) Вакиль мен оның акционерлері қолданыстағы заңнама мен қаулылардың шарттарын сақтау мақсатында Вакиль мен оның акционерлерін қадағалауға және бақылауға уәкілетті болып табылатын кез-келген шетелдік мемлекеттің мемлекеттік органына.

7.10.2 Осы бапта Муваккильдің келісімі Вакильмен оның кеңсесінде Муваккильдің (немесе оның уәкілетті өкілінің) қатысуымен қабылданғанын Муваккиль растайды.

7.11 Жеке ақпаратқа келісім

Муваккиль ақпараты Вакильге берілуі тиіс болған әр жеке тұлғадан (соның ішінде ақпараты Қазақстан Республикасы заңнамасына және Вакильдің ішкі құжаттарына сәйкес берілуі тиіс болған тұлғалар) осы жеке тұлғаның электронды, қағаз және (немесе) басқа түрде ұсынылған жеке деректерінің, соның ішінде Вакильдің ішкі құжаттарында бекітілген ақпарат тізіміне сәйкес болашақта ұсынылатын ақпараттың жиналуы мен өңдеуі туралы жазбаша келісімді ұсынуға міндеттенеді.

8. Келісімнің жарамдылық мерзімінің аяқталуы

8.1 Осы Келісім оған қол қойылған күннен бастап бір жыл бойына жарамды болады және егер осы Келісімнің жарамдылық мерзімі аяқталмастан 30 күн бұрын Тараптардың қайсыбірі екінші Тарапқа осы Келісімнің жарамдылық мерзімін ұзартуды қаламайтындығы туралы жазбаша нысанда мәлімдеме жасамайтын болса, осы Келісім келесі жылдық мерзімге немесе мерзімдерге автоматты түрде ұзартыла береді, ал егер осы Келісімнің жарамдылық мерзімін ұзартпау туралы мәлімдеме жасалған жағдайда, осы Келісім жарамдылық мерзімінің алда келе жатқан соңғы күніне дейін ғана жарамды болады. Мерзімнің аяқталуы немесе мерзімінен бұрын бұзылуы (нақты жағдайға байланысты) Тараптардың осы келісім бойынша орындалмаған Инвестициялық мәмілеге қатысты құқықтары мен міндеттеріне әсерін тигізбейді. Мұндай орындалмаған Инвестициялық мәмілеге қатысты осы Келісімнің шарттары осы мәміле толық орындалғанға дейін қолданылады.

8.2 Муваккиль Инвестициялық мәмілені Өтеу күніне дейін бұзатын жағдайда, Муваккиль жедел түрде Вакильге осы Келісімнің Үшінші Қосымшасында бекітілген үлгіде мәмілені бұзатындығы туралы мәлімдеме жіберуі керек.

8.3 Егер:

- (а) осы Келісім Муваккильдің бастамасымен жоғарыдағы 8.1. тармағына сәйкес мерзімінен бұрын бұзылатын болса, немесе
- (b) Инвестициялық мәміле Муваккильдің жоғарыдағы 8.2. тармағына сәйкес бұзу туралы мәлімдемесі бойынша бұзылатын болса,

Муваккиль Вакильдің пайдасына жарамдылығы Өтеу күніне дейін аяқталатын тиісті Инвестициялық мәміле үшін Вакала алымын төлеуге, және Вакильдің сәйкесінше Инвестициялық мәміленің мерзімінен бұрын аяқталуына байланысты шыққан шығындарын, зияндары мен шығыстарын өтеуге міндетті.

9. Сыйлықақыдан бас тарту

9.1 Тараптар Шариғат нормалары мен қағидаларына сәйкес сыйлықақы төлеуге немесе алуға тыйым салынатындығы жөнінде келіседі. Осыған орай Тараптардың қайсыбірі сот органына осы Келісім және әрбір Қаржылық құжат бойынша төленуге тиесілі сомалар бойынша қуыным берген жағдайда және осы сот органы заңдар мен заңнаманың құқықтық актілерін пайдалану барысында қуыным арқылы сомалар бойынша Сыйлықақы төлеу міндетін жүктейтін болса, Тараптар осындай Сыйлықақыны алу туралы кез-келген құқықтан сөзсіз және даусыз бас тартады және қабылдамайды.

Тараптар немесе олардың уәкілетті өкілдері **ҚОЛ ҚОЙДЫ**

«Al Hilal» Ислам Банкі» АҚ
мүддесі үшін және оның атынан

Қолы :-----

Қолы :-----

Аты :-----

Аты :-----

Лауазымы:-----

Лауазымы:-----

Күні :-----

Күні :-----

КЛИЕНТ

мүддесі үшін және оның атынан

Қолы :-----

Қолы :-----

Аты :-----

Аты :-----

Лауазымы:-----

Лауазымы:-----

Күні :-----

Күні :-----

БІРІНШІ ҚОСЫМША

Вакиль Ұсынысының және Муваккиль келісімінің үлгісі

ВАКИЛЬ ҰСЫНЫСЫ

Күні: _____

Кімнен: «Al Hilal» Ислам Банкі» АҚ

Кімге: _____

Қатысты: Вакала Басты Келісімі (күні)
(бұдан әрі - «Басты келісім»)

Біз осы құжат жүзінде жоғарыда көрсетілген Басты Келісімге (осы келісімде қолданылған сөздер мен терминдердің мағыналары осы қосымшада да қолданылады), сонымен қатар Басты Келісім шарттарына сәйкес Ислам қағидаларымен және нормаларымен сәйкес келетін операцияларды инвестициялауға сомаларды құю үшін Сіздің білдірген ниетіңізге сай бүгін көрсетілген тапсырысыңызға жүгінеміз:

1. Инвестициялар сомасы мен валютасы: _____
(сөзбен)

2. Инвестициялар күні: _____

3. Өтеу күні: _____

4. Вакала алымы: _____ (сөзбен)

5. Муваккильдің Болжалды Табысы: _____ % жылдық

6. Вакиль Сыйлық ақысы: егер Вакала алымының сомасын шегергеннен кейін Вакала пайдасы Муваккильдің Болжалды Табысының сомасынан асатын болса, Муваккиль асып кеткен соманы Вакильдің пайдасына Вакиль Сыйлықақысы ретінде өтемсіз өткізуге келісімін береді.

Осы Ұсыныс Инвестициялар сомасын өтімді қаражат түрінде Инвестиция күнінен кешіктірмей алғаннан кейін күшінде болады. 24 сағат бойы Сіздің тараптан осы Ұсыныс бойынша қандай да бір наразылық туындамаған жағдайда, Сіз осы Ұсынысты қабыл алдыңыз деп санаймыз.

Вакильдің өкілетті тұлғасының ТАӘ: _____

Вакильдің өкілетті тұлғасының лауазымы: _____

Вакильдің өкілетті тұлғасының қолы: _____

МУВАККИЛЬ КЕЛІСІМІ

Кімге: «Al Hilal» Ислам Банкі» АҚ

1. Біз жоғарыдағы шарттарды қабылдаймыз.

2. Инвестиция күні келгенде Инвестиция сомасын біздің Вакильде ашылған шотымыздан дебеттеуіңізді сұраймыз:

шот № _____

3. Өтеу күні келгенде өтеу күніне қарай түскен Түсім сомасын біздің Вакильде ашылған шотымызға аударуыңызды сұраймыз:

шот № _____

Муваккильдің өкілетті тұлғасының ТАӘ:

Муваккильдің өкілетті тұлғасының лауазымы: _____

Муваккильдің өкілетті тұлғасының қолы: _____

Күні: _____

ЕКІНШІ ҚОСЫМША

Тараптардың деректемелері

Вакиль

«Al Hilal» Ислам Банкі» АҚ

Назарына: Қазына департаменті
Мекенжайы: Қазақстан Республикасы
050059, Алматы қ.,
Медеу ауданы,
Аль-Фараби даңғылы, 36

Факс: + []

SWIFT: []

Мүваккиль

Клиент:

Назарына:

Пошта мекенжайы:

Тел:

Факс:

ҮШІНШІ ҚОСЫМША

Муваккильдің бастамасымен мерзімінен бұрын бұзу үлгісі

БҰЗУ ТУРАЛЫ МӘЛІМДЕМЕ

Күні:

Кімге: «Al Hilal» Ислам Банкі» АҚ

Кімнен: Клиент

Қатысты: _____ (күні) Вакала Басты Келісімі (бұдан әрі - «Басты келісім»)

Біз осы құжат жүзінде жоғарыда көрсетілген Басты келісімге (осы келісімде қолданылған терминдер мен сөздердің мәндері осы қосымшада да қолданылады), сонымен қатар _____ (күні) Вакильдің Ұсынысы мен _____ (күні) Муваккильдің Келісімі негізінде орындалған Инвестициялық мәмілеге жүгінеміз.

Осы құжат жүзінде Сізге Инвестициялық мәмілені тез арада бұзу туралы ниетіміз жөнінде мәлімдеме жасаймыз.

Біз Инвестициялық мәмілені бұзу нәтижесінде жоғарыда көрсетілген Инвестициялық мәміле үшін Вакиль Сыйлықақысы (Вакала алымы сомасын шегергеннен кейін) табыс сомасынан асқан кез-келген соманың [] жылдық % құрайтындығын түсінеміз және онымен келісеміз.

Қолы

ВАКИЛЬДІҢ КЕЛІСІМІ

Кімге: Клиент

Кімнен: « Al Hilal» Ислам Банкі» АҚ

Осы құжат жүзінде Біз Инвестициялық мәмілені бұзуға келісімімізді береміз және жоғарыда көрсетілген шарттарды растаймыз және қабылдаймыз.

Қолы: _____

Күні: _____

ТӨРТІНШІ ҚОСЫМША

Кейінге қалдырылатын шарттар

Муваккиль Вакильге төменде көрсетілген құжаттардың тиісті түрде расталған, бүгінгі күнге қарай толық, дәл және нақты ақпарат келтірілген көшірмелерін беруге міндетті:

Олар:

- (а) Муваккильдің құрылтай және құқықбелгілеуші құжаттарының нотариус арқылы расталған көшірмелерін, соның ішінде:
 - a. Жарғы;
 - b. Құрылтай шарты (бар болса);
 - c. Заңды тұлғаның тіркелуі немесе қайта тіркелуі туралы куәлік;
 - d. ҚҚС төлеушінің есепке алынғандығы туралы куәлік (егер қолданылса);
 - e. Жеке тұлғаны куәләндыратын құжатының көшірмесі (жеке кәсіпкерге қолданылады);
 - f. Жеке тұлғаның жеке кәсіпкер ретінде тіркелгені туралы құжат (егер қолданылса);
- (b) Осы Келісімнің шарттарына тиісті реті бойынша рұқсат беретін және осы Келісімге қол қоюға өкілетті тұлға немесе тұлғалар ұсынатын, сонымен қатар осы Келісімге байланысты басқа да қажетті құжаттарға қол қоятын директор Кеңесінің шешімі (немесе кез-келген басқа да өкілетті органның шешімі);
- (c) (b) тармағында көрсетілген құжаттарға қол қоюға өкілетті тұлғаның (тұлғалардың) қолтаңбасы (қолтаңбалары) үлгілерінің нотариуспен расталған картоткасы;
- (d) Вакиль негізді түрде талап ететін басқа да құжаттар.

